

蒲城縣志卷三

地理

風俗

舊志民性剛而好鬪健訟士知學問恥奔競崇尚本實鄉人苦力稼穡不習逐末惟西鄉農商參半工書寫作閒習刀筆吏事直南與華渭土著雜錯頗尚靡麗若東北二鄉尤敦土物之愛云元日縛脂麻稽木炭於門掛紙阡舊貼畫雞今貼門神縉紳家易桃符夜爆竹除不祥族繪宗圖輪置酒食合祭之遂群宴謂之節坐立春婦女出觀前令禁止旋仍舊五日紙製婦用香頭火點其

蒲城縣志卷三

一

衣丑夜出之爲送窮元宵古卜繭期相襲蒸麪繭粉米煑茶內外置燈盞雖几榻罌釜不遺二十日作煎餅投屋上補天廿三日婦女遊城先期剪紙人貼門上懼病疴禁食米飯晦日擲黑豆驅虫或用竈灰撒牆下二月二日謁孫真人洞清明前二日寒食爲冷麪子推上墳設鞦韆戲四月朔戴皂角芽紅花子串避毒端午插艾製色絲繫兒女臂邇角粽外打造金銀艾虎遺姻家亦創自今六月六日奠茶湯於隴暴衣書汲水造麪水經月不腐七夕閨人以針工瓜果麥豆芽作乞巧會中元日間以麻穀祭祖先中秋官府餽月餅翫賞多長夜飲

重湯蒸菊花糕相追送日多設宴或攜酒登高孟冬朔
暮陳煑麩角於祠焚紙衣備幽寒長至祀用餛飩綿着
紙爲被焚之詩禮家拜尊長如元旦季冬五日煑食五
色豆療五毒臘八日噉粥爲幼男子剃頭廿四日祭竈
宰雄雞獻糖除夕修歲事陳祀品家飲守歲自廿四至
是日多嫁娶不用卜與寒食日多葬同又正月朔二女
歸寧拜節與元宵七夕迎新嫁女避節同諸如鄉村吹
幽賽社金鼓誼騰衢歌巷舞洵足繪太平之景象昭
聖化之翔洽也

物產

蒲城縣志卷三

二

穀屬

黍 舊志有粘稷二種 馬志飯黍酒黍兩種酒黍黏飯
黍不黏飯黍惟關中有之種類有紫蓋黍有罩籬糜
有鵝鳩卵有牛尾串其黑者曰秬曰秠其黏者釀酒
關東所謂黃米酒也不黏者炊飯關西所謂黃米飯
也

稻 府志惟下馬澗有 字林糯黏稻也秠稻不黏者又
曰稷 馬志有數十種黏者釀酒不黏者炊飯
麥 爾雅小麥稜大麥麩 本草拾遺小麥出關中者爲
上品 馬志關中有黑芒麥無芒者爲和尚麥色白

者爲白麥紫者爲紫麥色白而粒肥大者爲御麥早熟者爲三月黃皆小麥也大麥隨處有之有早熟者三月輒可食穗有六稜者爲六稜麥有紅皮者爲酒麥爾雅翼云生於杏後二百日而秀秀後五十日而成宜爲飯又可爲醋其蘖可爲錫舊志麥有二種又有莠麥廣群芳譜一名烏麥立秋前後下種八九月熟性畏霜

大豆 廣雅大豆菽也 馬志關中處處有之以二月中旬種者佳菽五色各出形味不一黃白青黑者皆可爲腐

蒲城縣志卷三

三

赤小豆 本草綱目宗爽曰關西多食之枝葉似豇豆莢三青二黃時取之

綠豆 開寶本草圓小者佳大者名植豆

豌豆 廣群芳譜豌豆一名葦豆一名胡豆農書云大者名淮豆

蠶豆 本草綱目二月開花如蛾狀結角如蠶形 馬志關中有蠶豆

豇豆 廣群芳譜莢有紅白紫赤斑駁數色 馬志關中有之

扁豆 廣群芳譜一名沿籬豆一名蛾眉豆

脂麻 本草綱目胡麻卽芝麻 舊志脂麻有黑白紅三種

蔬屬

葑 周禮天官朝事之豆其實葑菹 爾雅疏葑生山中者名藿

葱 蜀本草冬葱卽凍葱夏衰冬盛莖葉俱軟

蒜 伏侯古今注蒜茆蒜也俗謂之小蒜十子一株者名胡蒜俗謂之大蒜

芫荽 本草綱目俗呼荳荽

蔓菁 陵疏葑關西謂之蔓菁 馬志味甘根葉俱可食

蒲城縣志卷三

四

藤蒿 廣群芳譜一名蓬蒿

白菜 省志菜以黃縐無絲者佳經霜愈美所謂秋末晚菘也

芥 府志芥似菘而有毛味辛可爲菹夏種秋成

菠薐 劉禹錫嘉話錄本自頗陵國流入中國語訛能解酒毒 唐會要太宗時尼波羅國獻菠薐菜類紅藍實如蒺藜火熟之能益食味

莧 蜀本草莧六種赤莧白莧人莧紫莧五色莧馬莧也 舊志莧有馬齒仁二種

蒼蓬 本草綱目葉似白菘實如茱萸掬

蘿蔔 唐本草嫩葉爲生菜食大葉可熟啖秦最多 舊

志有紅白二種

萵苣 合璧事類萵有數種白萵苦萵紫萵彭乘墨客揮

犀萵菜自高國來故名

芹 詩小雅言采其芹箋芹菜也可爲菹 周禮芹菹

茄子 本草衍義出新羅國味甘冷不可多食

菜瓜 詩小雅疆場有瓜是剝是菹傳剝瓜爲菹也

黃瓜 本草綱目名胡瓜張騫使西域得種故名 杜寶

拾遺錄隋大業四年避諱改胡瓜爲黃瓜

冬瓜 清異錄果中子繁者惟冬瓜故嗜果者目瓜爲百

蒲城縣志卷三

五

子甕

南瓜 省志形色味俱不一斑者曰番瓜黑者曰北瓜

苦瓜 本草綱目一名錦荔枝內有紅瓢甘可食 通志

今陝地多有之

果屬

梅 周禮天官饋食之籩其實乾蓀注乾撩梅也

杏 杏譜金杏大如梨黃如橘武帝上林遺種也一名漢

帝杏 廣群芳譜巴旦杏一名八擔杏關西諸處皆

有

桃 圖經本草桃陝西者尤大而美 廣群芳譜桃有甘

核者名八旦桃又有扁桃李光桃味佳花有千葉者
曰碧桃絳桃緋桃惟山桃花開最早

李 詩召南華如桃李 述異記李大者謂之夏李尤小
者謂之鼠李 舊志李有黃赤二種

梨 馬志昔人言梨以京兆爲稱今關中諸處有之

柰 本草綱目有白赤青三色皆夏熟關西人以赤柰楸
子取汁塗器中名果單 廣群芳譜一名蘋婆西土
最豐

蘋果 廣群芳譜果如梨而圓滑生青熟則半紅半白
按本草柰與蘋果爲一物而廣群芳譜謂爲一類二

蒲城縣志卷三

六

種朱爨尊又謂蘋果卽召南所稱甘棠

蒲萄 上林賦注蒲萄似燕輿可作酒 博物志張騫使
西域還得蒲萄

林檎 述異記林檎佳美關輔乃有

棗 舊志棗有數種 府志馬牙者佳

柿 西安府志關中柿有數種實可備饑 廣群芳譜柿
之小而卑者一名漆柿一名花柿

安石榴 博物志張騫使西域得塗林安石榴種以歸故
名 舊志石榴有甜酸二種

榛 詩大雅榛楛濟濟 禮記鄭註榛似栗而小關中正

多 爾雅翼關中秦地也榛之從秦蓋取此意

胡桃 圖經本草漢張騫使西域始得種還植之秦中人樹厚葉多陰實亦有房秋冬採之

西瓜 天祿識餘五代時胡嶠於回紇得西瓜種培以牛糞結實如斗味甘 府志瓜田百畝夏秋之交肩任背負繼屬輻輳達於四境

甜瓜 本草綱目葉大數寸五六月開黃花六七月熟其類有圓長扁尖大徑尺小或一捻色有青綠黃斑糝斑 通志陝地多有之

無花果 廣群芳譜一名映日果一名優鉢曇最易生在蒲城縣志卷三 七 處有之

藥屬

甘草 圖經本草陝西州郡皆有之

長松 本草拾遺生關內山谷中草似松葉

黃芩 圖經本草陝西近郡皆有之

升麻 圖經本草陝西州郡多有之 本草綱目張揖廣雅吳普本草並云一名周升麻蓋指周地所出如呼川升麻之義

朮 范子出三輔黃白色者善 圖經本草陶隱居言有二種爾雅所謂抱薊卽白朮也

半夏 圖經本草諸山皆出

芫花 太平御覽出三輔 本草綱目俗因某氣惡呼頭痛花根名黃大戟案芫黃紫二色黃者入藥紫者誤

用殺人

兔絲子 陸疏蔓連草上生黃赤如金 省志隨地俱有
牽牛子 本草綱目因其蒂似茄蜜餞爲果食呼天茄有

黑白二種

金銀花 本草綱目卽忍冬一名鴛鴦藤

元蓂 太平御覽出三輔色青者善

遠志 馬志苗名小草 圖經木草陝西州郡有之

蒲城縣志卷三

八

香附子 本草綱目莎草其根名香附子

旋花 本草綱目狀如軍中所吹鼓子故有旋花鼓子之名千葉者俗呼纏枝牡丹 本草衍義今關陝田野中甚多最難鋤艾治之又生

何烏首 圖經本草赤者雄白者雌 本草綱目凡深山產者卽大而佳

澤瀉 圖地本草今陝地有之

枸杞 詩小雅集于苞杞陸疏杞枸繼也一名苦杞一名

地骨

草屬

蘼蕪 名醫別錄蘼蕪一名江離芎藭苗也生雍州川澤
芍藥 本草綱目白者名金芍藥赤者名木芍藥 范子
出三輔

蜀葵 西京賦注戎葵今蜀葵 陳虞繁蜀葵賦惟茲珍
草懷芬吐榮挺河渭之膏壤吸昴井之元精

蓮 類要蓮有紅白二種 上林賦注張揖曰蓮根則藕
寰宇記雍州產藕粉

夾竹桃 廣群芳譜花淡紅類桃花葉狹類竹

白蒿 詩召南于以采蒿毛傳藜皤蒿

水蒿 詩周南言刈其萑孔疏馬云萑蒿也郭云似艾生

蒲城縣志卷三

九

水澤中

蒲 詩小雅依于其蒲 唐本草香蒲卽甘蒲菖蒲臭蒲
也 舊志蒲可織蓆

蘆 詩毛傳葭蘆也集傳亦名葦

蘋 毛傳蘋大萍也 本草綱目白蘋生水中青蘋生陸
地

萍 范子水萍出三輔色青者善 本草綱目一種面背
皆綠者一種面青背紫者謂之紫萍

菅 詩小雅白華菅兮 爾雅茅菅白華一名野菅 西
京賦注郭璞曰菅茅屬又西京賦蒯亦菅類聲類曰

蒯菓中爲索

葷荔 說文曰荔草似蒲

蒺藜 名醫別錄生馮翊各澤或道旁 本草衍義蒺藜

有二等一等杜蒺藜一等白蒺藜出同州各處

木屬

松 醫要松爲靈木取用極多松手中和神仙所餌松葉
有功於皮毛松節有功於肢節各從其類也又茯苓
假松之餘氣而成得坤厚之精茯苓抱根而生有依
守之義

栢 本草衍義陝西高阜處望栢樹千萬株皆一一西指

蒲城縣志卷三

十

蓋此木受金之正氣所制也 舊志八景有堯山古

栢

石楠 唐本草葉似繭草經冬不凋關中者葉細爲好

楓 上林賦注張揖曰楓櫨也脂可以爲香 廣祥芳譜

關陝甚多樹高大如白楊有赤白二種

楮 詩小雅其下維穀集傳今之楮樹也 類要皮可作

紙實入藥

椿 本草綱目椿樗栲一類三 類要 可

爲菜

柳 詩小雅有苑其柳

州皆夾路樹柳

檉柳 詩大雅其檉其楛陸疏檉河柳生水旁一名雨師
枝葉似松

白楊 本草衍義白楊陝西甚多同耀間居人修葢多此
木也

棘 詩小雅在彼杞棘 馬志別錄云生雍州川谷一名
棘鍼一名棘刺

柷 詩小雅北山有柷 爾雅郭注關西呼柷子一名土
榿

桑 詩秦風阪有桑 類要桑有數種葉沃者曰沃桑不
實可飼蠶結椹者有黑白二種

蒲城縣志卷三

十一

牡丹 摭異記開元禁中初重木芍藥卽今牡丹也 舊
志牡丹芍藥邑中間有

海棠 徐積海棠花序海棠秦中者爲次其株翛然如出
塵高步俯視衆芳有超群絕類之勢

紫荊 廣群芳譜有紫白二種其花最爲清冽
杜鵑 廣群芳譜杜鵑一名紅躑躅一名山石榴

山茶 本草綱目深冬開花紅瓣黃蕊
蠟梅 廣群芳譜蠟梅雖盛開常半含名馨口梅次曰荷

花又次曰九英 舊志山茶蠟梅間有之

竹 舊志竹有三種鳳尾竹苦竹叢竹

禽屬

黃鸝 詩秦風交交黃鳥陸疏黃鳥黃鸝留也或謂之黃

栗留一名倉庚一名商庚一名鷺黃一名楚雀關西

謂之黃鳥當榘熟時來往桑間

鵲鴝 詩小雅脊令在原集傳脊令雝渠水鳥也

鶴 詩小雅鶴鳴于九臯陸疏多純白亦有蒼色者 舊

志邑產灰鶴

斑鳩 草木疏鳴鳩斑鳩也 方言自關而西秦漢之間

謂之鵯鳩

蒲城縣志卷三

十二

鳴鳩 詩集傳鳴鳩今之布穀也 方言尸鳩自關而西

謂之服鷓 山陽縣志布穀一名郭么鳥

烏鴉 爾雅小而腹下白不反哺者謂之鴉鳥 說文鴉

一名鸞秦謂之鴉

山鳥 本草綱目似鴉鳥而小者山鳥也 一名鷓生西方

乾鵲 詩周南維鵲有巢 類要其翼左覆右爲雄右復

左爲雌人謂之喜鵲

燕 本草綱目一名乙鳥一名天女 別錄曰紫胸輕小

者是越燕斑黑聲大者是胡燕

雀 省志以色名麻雀以常在階除名賓雀以居檐中名

瓦雀

鶉 本草綱目大如雞雛頭細而無尾夜則群飛晝則草伏 通志秦人養之以鬪

鷦鷯 詩周頌肇允彼桃蟲陸疏桃蟲今鷦鷯是也 孔

疏關西謂之桑飛 方言桑飛自關而西或謂之懣爵

蠟嘴 詩小雅交交桑扈陸疏廣要此鳥今謂之蠟嘴

鷹 詩小雅歛彼飛隼陸疏隼鷂屬也或謂之雀鷹春花爲布穀 西京雜記茂陵少年以鷹鷂逐雉兔皆爲之佳名鷹則有青翅黃眸青冥金距之屬鷂則有從

蒲城縣志卷三

十三

風鷂孤飛鷂

鶻 寰宇記同州舊貢鶻

鴟 本草拾遺鴟卽梟也一名鵬 陸疏自關而西謂梟爲流離 天中記訓狐關西呼訓猴

鴨 曲禮孔疏家鴨曰鶩 上林賦注郭璞曰鶩鴨屬 方言郭注雞雛關西曰鶩

鴈 詩毛傳大曰鴻小曰雁 方言自關而西謂之鳴鴈 獸屬

牛 通志牛白頭黃身者爲牛中之王農家畜此主大富黃者尤爲上乘

馬 詩秦風有馬白顛 史記張儀傳秦馬之良探前跂後蹄間三尋騰者不可勝數

羸 上林賦馱馱驢羸

豹 西山經郭注豹似熊而小毛淺有光澤 筆談秦人謂豹爲程

虎 舊志北山有之

狼 通志秦地處處山中有之 舊志明崇貞壬申春夏狼成群噬人濠深三丈廣六丈環高牆三重猶夜越城傷人說者曰此兵兆也

驢 香祖筆記陝西民家有千里驢

蒲城縣志卷三

十四

羊 詩毛傳小曰羔大曰羊 唐本草羖羝羊出陝西 方言豬關西或謂之彘或謂之豕 本草綱目豬天下畜之而各有不同生梁雍者足短

犬 詩毛傳尫狗也

鹿 馬志鹿出南北山

獾 方言獾關西謂之貓 本草綱目獾猪獾也獾狗獾也

虫屬

蠶 通志陝西之蠶民不多育

蜂 本草綱目蜂三種蜜蜂小而微黃 舊志蜂有數種

省志蜂釀蜜者民亦養之

蛇 西山經多衆蛇

負螾 詩召南趯趯阜螽陸疏阜螽蝗子一名負螾 本

草綱目蟲螽一名蚱蜢在草上者曰草螽在土中者

曰土螽似草螽而大者曰螽斯 爾雅邢疏周南作

螽斯七月作斯螽雖字異文倒其實一也

蟬 詩大雅如蜩如螗陸疏蜩蟬也螗蟬之大而黑色者

方言秦晉之間謂之蟬

蟻螂 本草綱目一名蝓蟻宏景云其類三四種 通志

今各縣有之

蒲城縣志卷三

十五

蜉蝣 方言秦晉之間謂之蜉蝣

螻蛄 方言秦謂之螻蛄或謂之蛄蛄或謂之蛄蛄 本

草衍義立夏夜鳴如蚯蚓月令螻蛄鳴者是也

蜥蜴 方言秦晉或謂之蜥易其在澤中者謂之易蜥

蝎 方言秦晉之間謂之蠹或謂之天螻 圖經本草陝

郡皆有之

蟋蟀 詩豳風十月蟋蟀入我牀下 類要諺云蟋蟀鳴

嬾婦驚

蝴蝶 本草綱目大曰蝶小曰蛩蝶美於鬚蛾美於眉故

又名蝴蝶俗謂鬚爲胡也其種甚繁所在有之

蠅 詩小雅營營青蠅 方言自關而西秦晉之間謂之蠅

蚊 本草綱目處處有之

螢 毛傳熠熠燐燐螢火也

蜘蛛 方言蠶龜蠶蝥也自關而西秦晉之間謂之蠶蝥
壁錢 本草拾遺虫似蜘蛛作白幕如錢貼牆壁間 通志各縣俱有之

蠅虎 崔豹古今注蠅狐也善捕蠅一名蠅豹 通志處處有之

蟻 西京賦注韋昭曰蚍蟻子也可以爲醢 西陽雜俎

蒲城縣志卷三

十六

秦中多巨黑蟻好鬪俗呼爲馬蟻

蝸牛 日華本草卽負蝓蜒也 通志各縣有之

蝙蝠 方言自關而西秦隴之間謂之蝙蝠

蝦蟇 類要五月五日取陰乾東行者佳

附水族

鯉 詩小雅魚鱉鱠鯉

鯽 類要鯽魚似鯉色黑而體促

鱧 陸疏似鯉頰而厚 爾雅曰鱧鮓也

鰻 詩毛傳鰻鮓也 舊志魚洛河間有

鱉 舊志洛河下馬澗間有之

貨屬

布 府志蒲邑有土布

褐 毛詩箋褐毛布也 孔疏用毛爲布今作褐皆織毛爲之

綾 舊志綾資裱背或效織胡羅攢絹未甚佳

礬 舊志白礬取之蔡鄧

絨氊 宋地理志京兆永興軍貢

紙 舊志紙潔白細膩出興市鎮

桑落酒 郡志蒲城西鄉桑落坊每至桑落時取寒暄得時以井水釀酒故名杜甫詩坐開桑落酒來把菊花

蒲城縣志卷三

十七

枝考庾信有蒲城桑落酒灞岸菊花秋之句知不自唐始也 舊志又有豆酒五香東陽秋露白臘酒燒酒黃酒饅酒各種

醃 舊志晉王灘洛北崖附近地出醃較諸灘味厚且饒貧家採熬之注水結塊名鹹墮涇原諸邑多用之惟晉山鎮一區有焉遇澇則減東鹵池卽安豐灘亦出

醃

紫土 舊志取之蔡鄧

石炭 府志天工開物有三種有碎煤明煤末煤明煤大塊如斗許秦晉之間生之

蠟 唐地理志京兆貢蠟

鹽 舊志邑南傍鹵產鹽窶人時煮之頗賴以生

炭 舊志邑產炭 省志民以佐稅瞻家惟柴炭等數物